



www.BibleForChildren.org




Jon 14



Amu Jesus nai tuditta aum. “Ag oolag uug aib dayom. Ag Kayaknu oolagppa genab doona, ag dahilnu ele oolagppa genab doyeg! Da Mamel laug am oo kudum ele, amu da laa ahilagnu bappaidkkulnu gottem.”




“Anam laa ii daalo amu, da ag amelagppa alom. Da ukken, ahilag aben babaittoya, ag da daakkulppa da ele daagnignu da eduen udien, omalatte gokkul.”



Da Jon, da ag lailag, da ag ele ig oh Jesus
nuhigppa laippu daat, uug mua ele imu maottem.
Da Kayaknu do madod ooppa, amunu


udat haknu, ag ele daattem.
Ig oh Jesus ig hekkunignu




atte amu, ig nuhig
gagattag aot daatta, ig
tudidta, uug doyaya
edittaknuib dabmak
awak kobol dim
lamidtem.




Da Kayak nai mattimi da Jesus Kristusnu oolppa
genab doottemnu ami, amunu ag da nud laa
onig Patmos, amuppa meidppig.




Anam a, pahanab Kayak Oudi dahilppa ambe, da sia
king [anuqak] hab aabppa dayom, laa Nug amuppa
dayeye ele anidmi.




Ag anam ettaeg, da keeke oh Kayak Nug hattom,
amuam keeke hab attan daatteb, wanppa daatteb,
wan unuqag daatteb, amu yuppa
daatteb ele baalag doomi. Keeke
amu oh aben amu ohppanu ag
inam ahi edappig.




“Kayak Nug sia king [anuqak,] appa daatte,
Sipsip Nag ele amu, onig okkai, binag mak, binag
amahlak oppiaawak ele, amu
gagattag oh ele ahilahppa
hanhan alet ele dayad!”
aon appig.




Anam amu, da aab okkai, am Jerusalem bau Kayaknu
tituanak daatte, aab amuam hab aabppa, Kayak
toppanu neene anidmi. Nug am ah bau nug danab
aokkunu bala mettom, amubia. Anam daye amu, da
nai mattiak baag okkai sia king [anuqak,] amuppanu
laa inam
a doomi.




“Gemu Kayak laug danab oolagppa daatte! Nug ag ele daaglag. Ag nuhig danab daaglag. Kayak Nug ag ele daaglag, amu Nug Kayak ahilag daakku.”




Amu dimppa engel nug le laa, le amuam bauklel le,
nug le amu ippunidom. Le amuam men onig kristal,
dubuttid nakok laa iitta, amubia dubuttid nakok laa iitta
ele daatte. Le amuam Kayak amu Sipsip Nag ele,
ahilah sia kingppanu ba aab okkainu ib gamagppa
gotte.



Aab okkai amuppa amu aam kalam ele aa aab amu
amahlak laa medakkunu ii daattep. Adinu? Kayaknu
binag amahlak oppiaawak ele am amahlak medatte,
amu Sipsip Nag am aab amunu lam daatte.



Amu keeke oppiak iitta ele aab okkai amuppa ii noma.
Laa kobol nau digdig, Kayak nug kobol amunu ooppa
uuaknab dootte, amu
hambuppuak kobol hette
ele amu, nug ele iitta.
Am laa ag onilag Sipsip
Nagnu buk, amuam
buk onig Bauklel Awe
Onig Yaaknu Buk, buk
amuppa ag onilag
yaak daatte ele amu,
ag aakkuib aab okkai
amuppa nokkulag.




“Kayak Nug heeb, amelag leb
am iitta mekku. Danab ah ag
baula ii mauhmana, ag baula ii
mahimna, ag baula ii gaamna,
amu ag guittak ele baula ii
doomna. Adīnu? Anukkan
keeke amu oh iitta meum.”




Amu keeke oh, Kayak Nug amunu oo iinab dayom ele
amu, Kayak Nug heeb, iitta mekkulag; keeke amu
baula ii daamna. Kayak amu Sipsip Nag ele, ahilah sia
king aab amuppa daakku. Dayeb, Kayaknu madi nid
ag Nug waappa daan
Nug ode dim
lamidkkulag. Ag
Nug idu anidkkulag,
Nug onig amu ag
udalkadppa
daakku.



Da aakku danab mauhadppig, okkai nakok ele oh, Nug
noobppa hippaidna daaegeg anadmi. Nug buk laala
kolattom amu buk laa, amuam buk onig Bauklel Awe
Onig Yaaknu Buk, Nug buk amu ele kolom. Danab
mauhadppig amu ag adi heppig, buk
laalappa epediaknu amu yaak niitte
amuppa epediattom. Amu oh ag
adi heppig amuppa epediattom.
Aun laa nug onig buk
laappa, amuam buk
onig Bauklel Awa Onig
Yaaknu buk, nug onig
buk amuppa ii yaak amu,
laa nug nug aab amegppa
budie noum.



Amu Kayak Oudi amu Sipsip Nag wau, aa attep. “Na do!” Am aun nug nai amu doya nug, “Na do!” anad!
Am laa ele, laa nug le baag diieb, am nug doad! Am
laa nug bauklel le lakkunu oo hette ele amu, nug doa,
bauklel le lanad! Kayak Nug le amu hamu medatte.



Kayak Nug wanppan danab ah dilagnu oo
huana mauhom amunu, Nug Bekka
laippunab me udiom. Nug me udiom
amunu, aun nug nuhignu ooppa genab
dootte ele, nug padal ii mema. litta!
Nug bauklel hanhannu aokku.



Rom 3:23

Adinu? Ig danab oh ig hipunin hemut amunu, ig Kayak Nug
ihinignu ig attem daagnignu dabmeum amu, ig amubia laa
ii daattem.

Rom 6:23

Hipuninnu nob am mauhak, amge Kayak Nug ig ihinig
Nadi, Kristus Jesusnu udatppa bauklel hanhannu ihinig
daakkunu hamu megatte.

Hibru 9:27

Danab oh ag haen laippuib mauhkkulagoitte; amu dimppa
ag hettodiakppa tekkulagoitte,



Epesus 2:8,9

Ag Kayaknu oolagppa genab dooppig amu, amuppa Kayak Nug ehanittak okkai hamu matta, Nug ag edua diia, bauklel mattom. Nug ahilag udat, Nug amunu dabmaama ii mattom. litta! Nug ag ahilag daakkunu hamu mattom.

Rom 10:9,10

Amu nai amuam inam. Na odenppa, “Jesus am Nadi,” genab akkut, Kayak Nug Jesus mauhakppanu he edua hibaittom ele ootppa genab dookkut amu, Kayak na edua awidkku. Amunu diig am, danab nug nuhig oo unuqagppa [Jesusnu] ooppa genab dootte, amuppa [Kayak he,] nug genab tutukku hak danab daatte. Ge, danab nug odeppa nuhig ooppa genab doyaknu maditte, amu ooppa genab doyak amuppa Kayak Nug danab amu edua aotte.



Jon 3:16,17

Kayak Nug wanppan danab ah dilagnu oo huana mauhom amunu, Nug Bekka laippunab me udiom. Nug me udiom amunu, aun nug nuhignu ooppa genab dootte ele, nug padal ii mema. Iitta! Nug bauklel hanhannu aokku. Kayak Nug, Nug Bekka wan imuppa me udiom, amge Nug wanppan danab ah epediadkkunu me ii udiom. Iitta. Kayak Nug nuhigppa wanppan danab ah edua diiadkkunu me udiom.

1 Jon 5:11-13

Amu Kayak Nug adi ippunikkom? Nug bauklel hanhannu ig mekkom, amu bauklel amu ig Nug Bekkanu aottem. Aun nug Kayak Bekka ele laippu daattem amu nug bauklel ele, am aun nug Kayak Bekka ele laippu ii daattem, nug bauklel iitta. Da ag Kayak Bekka, ag nuhignu oolagppa genab dootteb amu, da ag bauklel hanhannu aoppig daattem genab dooglagnu, da ahilagnu nai imu yaattem.



Jon 14; 2 Korint 5; Revelesen 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Nobonob Bible (gaw) © 2022, Wycliffe Bible Translators, Inc.
All rights reserved.

<https://www.bible.com/bible/943/GEN.1.NB>

©2026 Bible for Children, Inc.

www.M1914.org

www.bibleforchildren.org

